

殷栗齋集

卷一
卷二

開平張啓煌著

殷栗齋集抄本

卷一

開平張啓煌著

殷栗齋集抄本

卷二

開平張啓煌著

殷栗齋集抄本

卷一
卷二

北山堂藏版

香港中文大學古典精華編輯室發行
鮑思高印刷有限公司影印
戊寅夏日一九九八年初版

虞夏遯象坤為民首坤
不德居居君臣民之居
居臣民此民主也

周易首乾說杜子春連山伏羲歸藏黃帝鄭康成以又云周易去言易道周普無所不備似乎周紀朝代之稱
云周原撫
撫是也

連山首艮歸藏首坤周易首乾艮為山禹平水土水平而山見故
首艮坤為臣湯以臣伐君而居君位故首坤乾為君文王三分天
下有其二以服事殷文王蓋祇知有君而不計君之有道無道也
故首乾夫艮所以成終而成始首艮猶有說也坤既臣道首坤則
臣而居君之上玄黃易位冠履側置其可乎黃生曰冠雖敝必加
于首履雖新必貫于足君雖不君臣不可以不臣天經地義周易
首乾得之矣或曰文王囚羑里而演周易于未伐紂之前故首乾

若處文王于武王之時、紂不能不伐、于此時演易尚首乾否乎、曰然、伐紂者一時之權、首乾者萬世之經、行權在其事、守經在其心、其心固無日不有君臣之分也、况文王即虞武王時代、亦必無伐紂、臣罪當誅、天王聖明、其首乾乃始終同一心事、昌黎羣里操、亦知之矣、吾謂易之首乾、自伏羲已然、不過夏商從而改之、文王則仍伏羲之舊耳、且首乾不特明君臣之分、亦見天地剖判以來、諸事非純剛之質、不能勝任、觀乾坤以下六卦、自屯至比、皆有男無女、再下六卦、自小畜至大有、雖未嘗無女、而皆有乾以鎮之、蓋唯剛德足以任事、子曰、吾未見剛者、歎乾剛之難、而急欲見之、是用易首乾、文王之意、即孔子之意、孔子不十翼連山歸藏而十翼用


易其故可知也或以孔子用人其十翼周易乃為下不倍之義此大不然解經萬世公理為下不倍乃一朝私事果周易有不及連山歸藏者聖人肯以一朝易萬世乎

乾坤為父母於八卦方位何不居四正而乾反居西北坤反居西南乎

八卦方位乾坤不居四正者以既有六子男代父用事女代母用事父母可退居無事之地禮所謂七十老而傳者也唐玄宗傳位肅宗稱太上皇其事近矣然玄宗迫于兵戈其傳也位也誠非得已至歷史上亦多以老而傳位安心為上皇者孔子于乾之上九發其例曰貴而无位高而无民如此可以言乾坤卦位矣有子可以事其事而犹不退居無事之地非卦位之大義也武庚為丞相親理細事主簿楊顓曰顓見丞相自較簿書竊以為不必譬之治家之道必使男執耕女典爨私業無曠取求皆足其家主從容自


在高枕飲食而已矣。若皆身親其事，將形神倦，終無一成。非家主之道也。家主、父母之謂。顯之言武侯，雖未知武侯別有用意，其言治家之道，未嘗不當也。或謂乾西北，坤西南，雖皆退居不用，然母親而父尊，故坤半用而乾全不用也。吾則謂不用乃所以為大用。蓋坐鎮之說也。無乾以坐鎮西北，三男不可閔矣。無坤以坐鎮西南，三女不可知矣。家人之傳曰：男正位乎外，女正位乎內。天地之大義也。又曰：家人有嚴君焉。父母之謂也。其實乾之坐鎮西北，比坤之坐鎮西南，尤要。西北最寒，此盛陰之地，無純陽以勝盛陰，正所謂易不可見。乾坤或幾乎息者，是故同是嚴君，而父為嚴君之大君，母是嚴君之小君。古禮父斬衰而母齊衰，以示家無二主。比

之國無二君其易齊為斬者非禮意也亦非易義



易文第一位言初何以第六位不言終第六位言上何以第一位不言下

第一位言初者欲明萬物積漸從無入有之意所以不言下也第六位言上者欲見位居卦上貞下起元之意所以不言終也且言初即知上之為終言上即知初之為下所謂互文見義也是故乾之象傳曰潛龍勿用陽在下也何嘗不言下大過之象傳曰棟桡本末弱也末即終也何嘗不言終



今日所畫之河圖共白黑點五十有五其即尚書論語及本經所舉之河圖否乎

今日河圖乃宋華山道士陳搏傳于种放諸人莫知其所由始也與書易論語所舉之河圖未必同書易論語所舉之河圖亡之久矣史記云大戎殺幽王驪山下盡取周賂而去胡氏渭据之以為必以是而亡吾以為未盡然也孔子生幽王之後果河圖非孔子及見其作十翼何所据而發明之雖以孔子之聖不必藉河圖而亦可成十翼然杞宋無徵孔子獨不嘆之乎或以論語河不出圖一語即為孔子不得見河圖之明徵夫不出者謂不再出耳非謂其亡之也河圖必亡在孔子之後無疑蓋孟子七篇已不復言之

矣、後人不察、乃以陳搏所傳者為河圖、本來面目、謂吾儒失之、今復得于他家、惑矣、雖然、今日河圖其數之實、通乎大衍、固有助于易義、而亦不可廢者也、唯以白點為陽、陽實而反虛、黑點為陰、陰虛而反實、義又謂之何、曰白點取陽明、黑點取陰暗、以明暗言、非以虛實言也、

五陰一陽之卦陽為主五陽一陰之卦陰亦能為主乎
在占者觀之一陰可以為主在五陽觀之一陰不能為主也其故
何也凡為主者招一而後可二則不能也陽畫之數一陰畫之數
二故曰陰不能為主也一陰在初為姤姤遇也陰遇陽非陽遇陰
初六雖成卦之主然五陽皆有制陰之意責況二五以剛中之德
一則與之相切近以制之一則居尊臨其上以制之故九五九二
為主卦之主一陰在上為夬夬決也陽決陰非陰決陽上六雖成
卦之主然五陽決陰而五居陽之最上又尊位也故九五為主卦
之主一陰在二為同人一陰能同眾陽而九五與之應仍是九五
為主故曰柔得位得中而應乎乾一陰在五為大有陽為大所有